



Moderamen
GBKP

Ibadah Keluarga

Senin, 13 Juli 2020



Moderamen_GBKP



gbkp.or.id



Moderamen GBKP

1. Rende: “Senang Ukurku Jumpa Ras Yesus” (Iendeken 2x)

Senang ukurku jumpa ras Yesus, senang ukurku haleluya
Rasa lalap ateku ras IA, senang ukur ras Yesus Tuhanku

Reff: Haleluya glori, haleluya Glori
Ersurak-surak puji Tuhan
Haleluya glori, haleluya glori
Puji Yesus rasa lalap

2. Ertoto (Ibabai Anak)

3. Renungen: Johanes 16:33 (OLA MBIAR!)

Kinata geluh mereken pengajaren si mbelin kal man kalak si erkiniteken. Sebab erbage-bage hal si ialamina, janah erbage-bage pengajaren ka nge si ialokenna i bas sie kerina. Adi nina kuan-kuan kalak Karo: “si entebu e ula minter ibendut, si pagit e ula minter iutahken”. Kata enda mereken pengertin kuga pentingna niksiki kerina peristiwa si jadi bas kegeluhen manusia. I bas situasi si labo bagi ukur e, langa tentu e tandana kita jadi kalak si iukum ntahpe kalak si la sangap. Janah i bas situasi si bagi ukur e, langa tentu e jadi sada kesangapen man banta. Sebab perlu kal igargari kerina kai erti ras maknana maka situasi e banci jadi bas kegeluhenta. Sebab bas si mesera e lit ka nge si mehuli si enggo isikapken man banta.

Bagem persinget si isehken i bas kitab Johanes enda man banta. Salah sada pesan si itekanken Jesus maka kiniseran e jadi sada bagin situasi i bas kegeluhen manusia. Ertina maka lalit jelma si la ibentasina kiniseran i bas geluhna. Emaka labo kiniseran e si jadi pusat perhatian manusia. Labo kuga belinna ras kuga beratna kiniseran si jadi fokus manusia. Tapi hal si terpenting asangkan sie, emekap prioses i bas ndalani kiniseran geluh e. Ertina labo perlu kita mengeluh mberat ntah menahang perbeben ras kiniseran si man bentasenta e. tapi si pentingna emekap kuga sikapta i bas ngalaken kiniseran e.



Adi kalak si nggeluh ersada ras Kristus, pasti idalanina alu dem kiniteken, optimis aminna pe erbage-bage si man bentasenna. Tapi adi la ia ersada ras Kristus, pasti iakapna ia jadi kalak si liahna bas doni enda. Emaka nina Jesus i bas ogenta ndai, malemlah atendu erkiteken kiniersadanndu ras Kristus.

La terjeng kemalemen ate si itawarken Kristus man kalak si erkiniteken. Tole pe ituriken Jesus maka lanai perlu mbiar. Sabap Kristus enggo naluken doni enda. Alu kuasa Dibata si mbelin e, italuken Jesus kap kerina si lit bas doni enda. Emaka kuasa doni enda takluk man kuasa Dibata. Em sabapna maka lanai perlu mbiar nina Jesus. Alu bage, hal-hal si erbahansa jadi kebiaren man manusia lanai kepe lit. Ia terjeng si jadi kebiaren, si jadi kearun ate kin pe searusna lanai lit bas kegeluhen manusia. Sabap lanai bo gegeh manusia si erdahin i bas ia. Tapi gegeh Dibata kap. Alu bage, kalak si mengandalken gegeh Dibata pasti lanai lit kearun ate ras kebiaren i bas ia. Sebab tujuan geluhna enggo jelas. Ia natap kempak Dibata saja ngenca, dengen pengarapenna pe man Dibata kap. Em si jadi gegeh man bana si erbahansa turah kemalemen ate i bas pusuhna.

Jagalah kiniersadan ras Tuhan, sabap e si erbahansa kam megegeh ndalani kinata kegeluhen bas doni enda. Amin.

4. Rende: KEE 350:1,2 “Kelengi Kebenaren”

Kelengi kebenaran, pedauhlah si jahat
Pakeken Kata Tuhan, tahan rasa lalap
Nggeluhlah alu bujur peteruk ukur kin
Dalanken kebenaran maka ukur teneng

Reff: Erjaga-jagalah reh me wari Tuhan
Ersikap-sikaplah, pake Kata Tuhan

Darami si mehuli, pedauh min si ilat
Megermet bas keg'luhen, make pedah Tuhan
Lakokenlah si adil, i bas kegeluhen
Bage me pedah Tuhan, tetap si dalanken

Reff: Erjaga-jagalah reh me wari Tuhan
Ersikap-sikaplah, pake Kata Tuhan

5. Doa Syafaat (Ibabi Nande)

Notoken kerna situasi bangsa ras negara, notoken kerina tim Medis ras pasien Covid 19, notoken kegeluhen gereja ras kiniteken perpulungen.

6. Rende: KEE 286:1-2 “Kuikutken me DalanNdu”

Kuikutken me dalanNdu, dalam dame man bangku
Terkelin me kap geluhku, itebusi darehNdu

Reff: Kuikutken me dalanNdu, kuendesken geluhku
Bas Kam o Juru S'lamatku, dame tenang tendingku

Mesera gia dalanku, padanNdu kap enteguh
Ngelawan kuasa dosa, di ras Kam menang tuhu

Reff: Kuikutken me dalanNdu, kuendesken geluhku
Bas Kam o Juru S'lamatku, dame tenang tendingku

7. Pertoton Tuhan (Ibabi Bapa)

Tuhan Yesus Memberkati

